

BIDANG FOKUS: PENDIDIKAN



PENDIDIKAN



**Memperkasa
Masyarakat
Melalui
Pendidikan**



Kami berhasrat memupuk modal insan berkualiti dan menyumbang ke arah kemajuan Malaysia sebagai sebuah negara maju dengan mengutamakan pendidikan.

Selama lebih 25 tahun, kami telah memperkasa komuniti melalui program pendidikan yang tertumpu kepada pembangunan kemahiran, pekerjaan, kecelikan digital dan keusahawanan, khususnya untuk pelajar B40 yang kurang bernasib baik. Dalam menjayakan program ini, kami telah berkolaborasi dengan pelbagai pihak berkepentingan, termasuk Jabatan Pendidikan Negeri Johor, syarikat swasta dan banyak lagi.

Pada 2023, bidang fokus Pendidikan kami telah menyempurnakan inisiatif berikut:

Menyumbang papan pintar serta TV pintar kepada 20 buah sekolah menengah dan rendah di Johor

Sumbangan berjumlah RM1.33 juta dalam inisiatif pendidikan

10 program dilaksanakan dengan disertai oleh lebih 4,000 pelajar dari 106 buah sekolah dan universiti



Melibatkan lebih 40 anggota pekerja yang membantu kami melaksanakan program

BIDANG FOKUS:
PENDIDIKAN

Bantuan Pendidikan IPT Yayasan JCorp terus memberi manfaat kepada keluarga dan pelajar B40 di institusi pengajian tinggi di seluruh negara dengan meringankan beban kewangan mereka dalam menuntut ilmu.

Pada 2023, kami membantu **217** pelajar B40, dengan jumlah sumbangan sebanyak **RM180,000**.

Lebih daripada **1,424** orang penerima telah memperoleh manfaat daripada Bantuan Pendidikan IPT Yayasan JCorp dengan jumlah disumbangkan sebanyak **RM786,689**.



BIDANG FOKUS:

PENDIDIKAN

1

Perintis Program Sistem Latihan Dual Nasional (SLDN) untuk Sekolah Menengah Harian di Malaysia



IMBAS UNTUK
MAKLUMAT LANJUT

Yayasan JCorp telah menandatangani NoU dengan Jabatan Pendidikan Negeri Johor (JPNJ) serta QSR Stores Sdn Bhd pada Oktober 2023 bagi melancarkan Program SLDN untuk sekolah menengah harian di Malaysia demi membentuk pekerja berpengetahuan (K-pekerja) yang memiliki kecekapan teknikal, sosial, kemanusiaan dan pembelajaran. Program SLDN melibatkan 70-80 peratus Latihan Amali (berasaskan prestasi) manakala baki 20-30 peratus adalah Pembelajaran Teori (berasaskan pengetahuan). Program ini bertujuan menyediakan pendidikan alternatif, sekali gus menyokong matlamat kerajaan dalam membangunkan tenaga kerja tempatan yang mahir dan meningkatkan fokus Yayasan JCorp terhadap pendidikan. Ia mendapat sokongan teknikal daripada Jabatan Pembangunan Kemahiran (JPK), Wilayah Selatan.

Bagi projek rintis ini, seramai 12 orang pelajar SMK Tun Syed Nasir Ismail dan 13 orang pelajar SMK Majidi Baru 2, Johor Bahru, telah ditempatkan di enam restoran KFC yang terpilih di Johor untuk menjalani program latihan penyediaan makanan segera selama dua tahun. Pelajar-pelajar ini telah menjalani program induksi di Pusat Latihan KFC Nusa Bestari dan menerima suntikan imunisasi, pakaian seragam serta elaun latihan. Setelah menyempurnakan program ini, perintis yang layak akan menerima sijil daripada QSR, Sijil Kemahiran Malaysia Tahap 3 daripada JPK dan Sijil MPAK serta SPM daripada Kementerian Pendidikan Malaysia.

IMPAK

25 pelajar
menyertai program

Penyertaan enam

restoran KFC

Lebih 14 orang anggota pekerja

dari pelbagai bidang, termasuk penasihat teknikal, guru dan pegawai JPNJ terlibat dalam memantau keberkesanan program

Memenuhi UNSDG:



BIDANG FOKUS:
PENDIDIKAN

BIDANG FOKUS:

PENDIDIKAN

2

Meningkatkan Tahap Penguasaan Bahasa Inggeris



IMBAS UNTUK MAKLUMAT LANJUT

Penglibatan Yayasan JCorp dalam program penguasaan Bahasa Inggeris telah bermula pada 2012 menerusi projek tuisyen yang dijalankan di sekolah-sekolah terpilih di negeri Johor. Ia juga sejajar dengan perkembangan pelbagai industri pada masa ini, yang menekankan Bahasa Inggeris untuk mendapat pekerjaan. Pada tahun ini, kami telah mengendali pelbagai inisiatif untuk meningkatkan tahap penguasaan Bahasa Inggeris dalam kalangan pelajar.



Pertandingan bicara berirama pertama di Johor

Kami telah menganjurkan pertandingan peringkat negeri pada 25 dan 26 September dengan kerjasama JPNN. Bertemakan Alam Sekitar dan Perubahan Iklim, turut diadakan pameran oleh SWM Environment serta Jabatan Alam Sekitar Negeri Johor, selaras dengan tema yang didukung sepanjang program tersebut.

IMPAK

22

buah sekolah rendah dan menengah dari 11 daerah di Johor menyertai pertandingan tersebut, yang melibatkan 504 pelajar

Hadiah bernilai

RM10,800

telah disampaikan kepada pemenang

Lebih daripada

sejuta tontonan

di laman Facebook Yayasan JCorp

Memenuhi UNSDG:



BIDANG FOKUS:
PENDIDIKAN



Karnival English Unity

Karnival ini telah berlangsung dari 4 hingga 6 Julai dan melibatkan pelajar sekolah rendah dan menengah yang mengambil bahagian dalam pertandingan bercerita, pengucapan awam, *Scrabble*, deklamasi puisi, mengeja, mini dokumentari, serta ucapan spontan bertemakan JCorp. Melalui aktiviti tersebut, kami berhasrat memupuk dan meningkatkan kesedaran, pemahaman serta penghayatan terhadap Bahasa Inggeris dalam bentuk pertandingan dan mewujudkan persaingan positif berlandaskan pendekatan interaktif. 10 pelajar terbaik dalam pertandingan ucapan spontan telah menerima Anugerah Khas Yayasan JCorp.

IMPAK

Penyertaan

535

pelajar sekolah rendah dan menengah

Memenuhi UNSDG:



Majlis Penyerahan Modul dan "Training of Trainers SPM Bridging B1"

Dengan kerjasama JPNJ, kami berjaya mengadakan majlis penyerahan yang diadakan di Jabatan Pendidikan Negeri Johor pada 18 September 2023. Di bawah inisiatif ini, Yayasan JCorp telah membangunkan modul Bahasa Inggeris untuk guru dan pelajar.

IMPAK

22

buah sekolah menengah telah dipilih untuk menyertai projek tuisyen Bahasa Inggeris dan menerima modul yang dibangunkan, serta digunakan sebagai alat bantu mengajar dan pembelajaran.

970

modul telah dicetak, diedarkan kepada pelajar, guru dan Pegawai Pembimbing Pakar Peningkatan Sekolah di setiap Pejabat Pendidikan Daerah

Memenuhi UNSDG:



BIDANG FOKUS:

PENDIDIKAN

3

Membiayai Pendidikan Perakaunan Profesional (Basiswa ACCA)

Program sokongan pendidikan di Yayasan JCorp memainkan peranan penting dalam meningkatkan ekuiti dengan memperluas peluang kepada individu yang tidak mempunyai akses kepada pendidikan berkualiti tinggi. Selama hampir lapan tahun, kami telah membantu pelajar B40 mendapatkan kelayakan Persatuan Akauntan

Bertauliah Berkanun (ACCA) dengan memberi mereka biasiswa. Penajaan pendidikan ACCA ini merupakan kesinambungan daripada inisiatif Program Perakaunan Berkanun JCorp bagi menyokong pembangunan modal insan dalam bidang profesional di negara ini, yang melibatkan peruntukan berjumlah RM2.7 juta.



IMPAK

Sebanyak

RM300,000

telah disumbangkan bagi membantu 10 orang pelajar di Tymba Education College, Kuala Lumpur. Daripada jumlah ini, lima daripadanya sedang mengikuti kursus selama empat tahun dalam Asas Perakaunan ACCA, manakala tiga lagi sedang menjalani kursus ACCA selama dua tahun

BIDANG FOKUS:
PENDIDIKAN

4

Memperkasa Program STEM

Selaras dengan matlamat kerajaan untuk melahirkan bakat STEM yang mahir, kami telah meneruskan inisiatif yang kami mulai dari 2022 demi memenuhi keperluan bakat pada masa hadapan. Pada 2023, di bawah tema pertanian bandar dan cetakan 3D yang kami cadangkan, kami telah mengadakan lawatan ke pelbagai tempat bagi memperkaya perjalanan dan pengetahuan agar dapat membawa kami selangkah lebih dekat ke arah merealisasikan matlamat kami. Ia termasuk:

10 buah sekolah terpilih untuk melihat potensi mereka bagi projek Yayasan JCorp, Jabatan Pendidikan Negeri Johor dan Jabatan Pertanian Johor

Sesi perkongsian Amalan Terbaik dalam penggunaan teknologi untuk pertanian di 10 buah sekolah

Yayasan Temasek dan National Institute of Education (NIE), Singapura membentangkan pelan projek STEM



IMPAK

Membina

rumah hijau pintar dengan sistem IoT di SMK Bandar Baru Uda sebagai projek rintis

Penglibatan

5 buah sekolah

dalam kajian asas yang dijalankan oleh NIE

Lebih

800 jenis sayur-sayuran

dikawal, dipantau secara dalam talian dan dikendali oleh komuniti

Lebih daripada

100kg

sayur-sayuran dihasilkan sejak 2021

Memenuhi UNSDG:



BIDANG FOKUS:

PENDIDIKAN

5

Menerapkan Semangat Inovasi dalam kalangan Pelajar

Dengan kerjasama JPNJ, kami telah menganjurkan program “Nextgen Innovators: Sustainable Solutions for a Greater Future” pada Oktober 2023 bagi membangkitkan kreativiti dan inovasi dengan menggalakkan pelajar meneroka bidang keusahawanan. Di samping itu, program ini juga membantu membangunkan kemahiran kepimpinan dan komunikasi dengan menghubungkan mereka kepada pakar industri bagi pendedahan alam pekerja sebenar. Acara kemuncak program telah dijayakan di Asia Pacific Climate Week (APCW) 2023.



IMBAS UNTUK MAKLUMAT
LANJUT

IMPAK

80 peserta

dari 20 buah sekolah rendah dan menengah seluruh Johor

Dihadiri oleh lebih daripada

100 penonton

termasuk delegasi antarabangsa dari APCW

Lebih daripada

4,000 tontonan

di laman Facebook Yayasan JCorp

Memenuhi UNSDG:



BIDANG FOKUS:
PENDIDIKAN



BIDANG FOKUS:

PENDIDIKAN

6 Program Latihan Industri

Yayasan JCorp menumpukan usahanya khusus untuk memupuk tenaga kerja yang cekap melalui Program Latihan Industri dan inisiatif berasaskan kemahiran. Objektif utama adalah untuk memberi pelajar kemahiran praktikal yang penting untuk pasaran kerja hari ini. Tambahan lagi, inisiatif ini

menawarkan peluang latihan industri di JCorp dan Syarikat Kumpulan serta rakan kerjasama yang lain. Yayasan bermatlamat membentuk golongan profesional berkemahiran dan dapat memacu pertumbuhan dalam pelbagai industri, khususnya di Johor.

Terdapat lima kategori persijilan:

Tahap

- 1 Sijil Kemahiran Malaysia (SKM)
- 2 SKM
- 3 SKM
- 4 Diploma Kemahiran Malaysia (DKM)
- 5 Diploma Kemahiran Lanjutan Malaysia (DLKM)

IMPAK

Sejumlah

315 peserta

menerima manfaat sejak 2020-2023 dengan 73 peserta mendapat pekerjaan dan 242 peserta melanjutkan pengajian ke peringkat lebih tinggi

Memenuhi UNSDG:



“Saya mengambil bahagian dalam Program Latihan Industri dan Kemahiran Yayasan JCorp pada 2022, dan kini saya seorang juruteknik am di sebuah hotel. Saya berharap lebih ramai pelajar mempertimbangkan TVET kerana pelbagai peluang pekerjaan yang ada di luar sana.”

~ Rismah Alya Adriana Md Rais, Alumni SMK Easter, Kota Tinggi (Elektrik)

7 Tuisyen Yayasan JCorp

Yayasan JCorp dan Syarikat-syarikat di bawah Kumpulan JCorp telah memulakan projek tuisyen sekolah menengah yang bertujuan meningkatkan prestasi pelajar dalam peperiksaan Sijil Pelajaran

Malaysia (SPM). Dengan kerjasama Unit TVET JPNN, projek ini tertumpu kepada Mata Pelajaran Elektif Ikhtisas (MPEI) iaitu Perniagaan, Ekonomi, Perakaunan dan juga Bahasa Inggeris.



IMPAK

Seramai

1,950
pelajar

dari 15 buah sekolah menengah seluruh Johor mencapai kadar kelulusan luar biasa 100% dalam peperiksaan SPM 2023

Memenuhi UNSDG:

